



Adresa: Ul. H.Čemerlića 39a
71000 Sarajevo
<http://www.voda.ba>

tel. +387 33 726 444; 726 408;
fax. +387 33 726 423
e-mail: info@voda.ba

Broj: **UP-1/21-2-40-105-5/25**

Datum: **24.04.2025. godine**

«Agencija za vodno područje rijeke Save» Sarajevo rješavajući po službenom zahtjevu Službe za prostorno uređenje i katastar nekretnina općine Odžak, u ime investitora JP „Elektroprivreda HZ-HB” d.d. Mostar, Distribucijsko područje Sjever, Sektor za razvoj Orašje, za donošenje rješenja o vodnoj saglasnosti na projektnu dokumentaciju za izvođenje radova na izgradnji srednjenaponskog kabela 35 kV za priključenje FNE DABRA 1-3, općina Odžak, na osnovu člana 109. stav (1) tačka 10. a u vezi sa članom 12. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj: 2/98, 48/99 i 61/22) d o n o s i

R J E Š E N J E **o vodnoj saglasnosti**

1. Pravnom licu JP „Elektroprivreda HZ-HB” d.d. Mostar, Distribucijsko područje Sjever, Sektor za razvoj Orašje, daje se vodna saglasnost na projektnu dokumentaciju za izvođenje radova na izgradnji srednjenaponskog kabela 35 kV za priključenje FNE DABRA 1-3, na zemljištu označenom kao k.č. broj 1349/1 K.O. Posavska Mahala, općina Odžak, a prema slijedećoj projektnoj dokumentaciji:
„Glavni projekat za izdavanje vodne saglasnosti za izgradnju srednjenaponskog kabela 35 kV za priključenje FNE DABRA 1-3”, urađen od strane ATRIUS projekt d.o.o. Živinice, april 2025. godine.
Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projekta dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektno dokumentacije iz tačke 1. ovog rješenja, utvrđenog činjeničnog stanja i pod slijedećim uslovima:
 - 3.1. Sve radove na izgradnji/polaganju srednjenaponskog kabela 35 kV za priključenje FNE DABRA 1-3 izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Tehnologiju izvođenja radova – ukrštanje sa kanalom Jasenovica, prilagoditi uslovima na terenu uz odgovarajuće osiguranje ljudi i materijalnih dobara.
 - 3.4. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi, ukoliko do takvih situacija tokom izvođenja dođe, prethodno će se rješavati uz saglasnost i nadzor mjesnog nadležnog operatera koji upravlja tim instalacijama i isti će dati tehničke uslove za izvođenje ovih radova.
 - 3.5. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
 - 3.6. U toku izvođenja radova sav iskopani materijal deponovati na mjestu koje ni u kom slučaju ne smije ugroziti slobodni profil kanala, niti ni u kom trenutku sprječiti oticanje površinskih voda.
 - 3.7. U toku radova iskopani materijal i otpad se ne smiju ni privremeno odlagati na zemljišnu česticu „vodno dobro”, odnosno unositi u vodotok i na njegove obale.
 - 3.8. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
 - 3.9. U toku izvođenja radova obezbijediti rad sa tehnički ispravnom mehanizacijom, da ne bi došlo do zagađenja voda od eventualnog curenja ulja i naftnih derivata.

- 3.10. Ukoliko se izvođenjem predmetnih radova ili drugim aktivnostima vezanih za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanese štete trećim licima, podnositelj zahtjeva je obavezan uzroke nastalih štetnih promjena otkloniti, a nastale štete nadoknaditi o vlastitom trošku.
 - 3.11. Po završetku radova potrebno je izvršiti uređenje korita, obala i pojasa u kome su vršeni radovi, tj. dovođenje kompletnog terena u prvobitno stanje.
 - 3.12. U toku izvođenja radova neophodno je poduzeti sve potrebne mjere zaštite, da predmetnim aktivnostima ne dođe do erozije obala, nastanka štete ili nepovoljnih posljedica po vode i vodni režim, kao i postojeće korisnike voda.
4. Ukoliko se izvođenjem radova na polaganju 35 kV srednjenaponskog kabela ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanese štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi.
 5. Po završetku izgradnje/polaganja srednjenaponskog 35 kV kabela i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine FBiH“, broj 31/15, 55/19, 41/20 i 63/22).
 6. Ova vodna saglasnost prestaje važiti istekom roka od dvije godine, ukoliko u tom periodu ne bude pribavljeno odobrenje za gradnju i započeti radovi na izgradnji/polaganju srednjenaponskog kabela 35 kV za priključenje FNE DABRA 1-3 u skladu sa glavnim projektom iz tačke 1. dispozitiva ovog rješenja.
 7. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. i 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta

Obrazloženje

Služba za prostorno uređenje i katastar nekretnina općine Odžak, u ime investitora JP „Elektroprivreda HZ-HB“ d.d. Mostar, Distribucijsko područje Sjever, Sektor za razvoj Orašje, podnijelo je zahtjev za donošenje rješenja o vodnoj saglasnosti na projektnu dokumentaciju za izvođenje radova na izgradnji srednjenaponskog kabela 35 kV za priključenje FNE DABRA 1-3, na zemljištu označenom kao k.č. broj 1349/1 K.O. Posavska Mahala, općina Odžak, a prema slijedećoj projektnoj dokumentaciji: „Glavni projekat za izdavanje vodne saglasnosti za izgradnju srednjenaponskog kabela 35 kV za priključenje FNE DABRA 1-3“, urađen od strane ATRIUS projekt d.o.o. Živinice, april 2025. godine.

Uz zahtjev je dostavljena slijedeća dokumentacija:

- Kopija aktuelnog izvoda iz sudskog registra Općinskog suda u Mostaru donesenog dana 04.04.2024. godine;
- Kopija Uvjerenja o registraciji poreznog obveznika donesenog od strane Kantonalnog poreznog ureda Mostar dana 10.05.2022. godine;
- Kopija Rješenja o prethodnoj vodnoj saglasnosti doneseno od strane Agencije za vodno područje rijeke Save, Sarajevo broj: UP-1/21-1-40-606-6/24 od 03.02.2025. godine;
- Kopija Rješenja o urbanističkoj saglasnosti donesenog od strane Službe za prostorno uređenje i katastar nekretnina Općine Odžak, broj: 05-19-256/2024 dana 10.02.2025. godine;
- „Glavni projekat za izdavanje vodne saglasnosti za izgradnju srednjenaponskog kabela 35 kV za priključenje FNE DABRA 1-3“, urađen od strane ATRIUS projekt d.o.o. Živinice, april 2025. godine;
- Revizija glavnog projekta za izgradnju srednjenaponskog kabela 35 kV za priključenje FNE DABRA 1-3, urađena od strane TZI-inženjering d.o.o. Sarajevo, april 2025. godine;
- Dokazi o uplati upravne takse.

Uz zahtjev za donošenje Rješenja o vodnoj saglasnosti na projektnu dokumentaciju dostavljen je „Glavni projekat za izdavanje vodne saglasnosti za izgradnju srednjenaponskog kabela 35 kV za priključenje FNE DABRA 1-3“, urađen od strane ATRIUS projekt d.o.o. Živinice, april 2025. godine.

U dokaznom postupku utvrđeno je da je projektna dokumentacija urađena u skladu sa tačkom 3. Rješenja o prethodnoj vodnoj saglasnosti, izdatog od strane ovog organa, broj: UP-1/21-1-40-606-6/24 od 03.02.2025. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: „Glavni projekat za izdavanje vodne

saglasnosti za izgradnju srednjenaponskog kabela 35 kV za priključenje FNE DABRA 1-3", urađen od strane ATRIUS projekt d.o.o. Živinice, april 2025. godine, data vodna saglasnost na istu.

Urbanističke uslove za izvođenje predmetnih radova, podnosiocu zahtjeva je kroz izdato Rješenje o urbanističkoj saglasnosti propisala Služba za prostorno uređenje i katastar nekretnina Općine Odžak.

Kanal Jesenovica je dio šire hidrografske mreže koja uključuje rijeku Bosnu i Savu, te doprinosi održavanju ekološke ravnoteže i poljoprivredne proizvodnje u regiji. Predmetna dionica kanala je smještena između kanala Jošava i kanala Bukovica. Kanal Jasenovica ima širinu cca 1.3 m u dnu, sa kosinama dužine 4 m i ukupnom dubinom cca 1.5 m. Kanal je trapeznog oblika, te graniči sa parcelom na kojoj će se graditi FNE. Trasa polaganja kabela će se ukrštati sa kanalom Jasenovica od tačke c26 do tačke c33, a trasa kablova u zoni ukrštanja vodit će se kroz prethodno ugrađenu zaštitnu čeličnu kolonu adekvatnog prečnika za naknadno provlačenje energetskih i komunikacijskih kablova. Dužina zaštitnih čeličnih kolona određena je tako da se ispod čitavog poprečnog presjeka kanala instalacije zaštite od eventualnog negativnog uticaja vodotoka, te će iznositi minimalno 9 m. Krajevi čelične kolone će biti u obalama, odnosno u zoni promjene geomorfoloških karakteristika terena. Prije otpočinjanja radova izvršit će se čišćenje dijela korita sa obje strane kanala u zoni izvođenja radova i ta zona će se ograditi vidljivom trakom. Izvršit će se iskolčavanje trase infrastrukturnih vodova, te odrediti mjesto za kopanje jame za utiskivanje zaštitne cijevi, kao i mjesto za deponovanje iskopanog zemljanog materijala.

Na osnovu utvrđenog činjeničnog stanja, a u cilju smanjenja negativnih uticaja predmetnih aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodnom saglasnosti, u tački 3. dispozitiva ovog rješenja, shodno odredbama članova 114. i 128. Zakona o vodama i člana 7. Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je potrebno ispuniti tokom izvođenja radova.

U skladu sa svim navedenim konstatovano je da sa aspekta sektora voda i priložene dokumentacije ne postoje zapreke da se Investitoru izda tražena vodna saglasnost.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).


UPUTA O PRAVNOM LIJEKU


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac Sektora za izdavanje vodnih akata


Nihad Pezo, dipl.inž.građ.



PRILOG: „Glavni projekat za izdavanje vodne saglasnosti za izgradnju srednjenaponskog kabela 35 kV za priključenje FNE DABRA 1-3“, urađen od strane ATRIUS projekt d.o.o. Živinice, april 2025. godine (2 kom) i Revizija glavnog projekta za izgradnju srednjenaponskog kabela 35 kV za priključenje FNE DABRA 1-3, urađena od strane TZI-inženjering d.o.o. Sarajevo, april 2025. godine (2 kom).

Dostaviti:

- Služba za prostorno uređenje i katastar nekretnina Općine Odžak, Trg Bosne i Hercegovine, 76290 Odžak (sa prilogom)
- JP „Elektroprivreda HZ-HB“ d.d. Mostar, Distribucijsko područje Sjever, Sektor za razvoj Orašje, 17. ulica bb, 76270 Orašje
- Ⓞ AVP Sava – ISV Vodna knjiga
- Sektor 40 – Arhiva
- Oglasna ploča AVP Sava